

АСТАНА КҮНІНЕ

Құттықтап 20 жылын

Астананың,
Көрікті Есілдегі бас қаланың.
Халқының еңбегімен, ерлігімен
Құлшына болашаққа басқан адым.

Құлпырып қала, дала өңірдегі,
Қол жетті жетістікке көңілдегі.
Өркендеп, ғылым, білім,
мәдениет
Қала өсті өндірісі бойды кернеп.

Белгілеп елдің жетер шекарасын,
Жақындатып алыстың екі

арасын.
Поезд жөңкіп жайылды жолдар
жаңа
Қалаған жерге лезде жете аласың.

Сайрандап ұшақтары көк жүзінде,
Ілінді зымырандар жоқ тізімде.
Қазақ жері жалғасты теңіздермен
Кеме шайқап, жел үрді өңімізге.

Бір күнде жырлап болмас
жетістігін,
Тойладық бүкіл ел боп жеңіс күнін.
Ғалымдар бар әлемнен басын
қосып
Паш етті халықаралық бейбіт
үнін.

Таусылмас айта берсе табыстары,
Көбейді дос жараны таныс бәрі.
Астана ақ бейнесін айға балап
Қол созып болашаққа қарыштады.

Достасып орыс, Қытай,
ағылшынмен,
Тіл тауып Америка АҚШ - мен
Қол созып түрік, жапон, жаңа
Корей
Келісті әңгімесі нақышымен.

Осындай ашық арман Астанамыз,
Жетеді жаз жайлауы баспанамыз.
Кімде - кім алыс елден аңсап келсе
Көрсетіп Астананы мақтанамыз.

Өркендеп өндірісі еліміздің,
Гүлденген егіс тола жеріміздің.
Кені мол жетер байлық іздегенге
Ұйқасы жалғасқанға тіліміздің.

Кім көрсе көңілі тояр келбетіне,
Астана таңдап қонған жер бетіне.
Ұйтқысы ұлы ұғым орталығы
Жыр етем қала күні тербетіле.

Әбдіғали ЖАНТАСОВ,
зейнеткер.



«Астананың күнделігі» қалалық шығармашылық байқауы



Биылғы жыл айтулы күндерге толы. Солардың бірі – Тәуелсіз Қазақстанның нышанына айналған елордасы Астананың 20 жылдығы. Осыған орай қалалық тілдерді оқыту орталығының ұйымдастыруымен «Астананың күнделігі» атты шығармашылық байқауы өткен болатын. Қалалық кезеңге 7 үміткер (Ы.Алтынсарин атындағы Арқалық мемлекеттік педагогикалық институты, Арқалық медициналық колледжі, Ы.Алтынсарин атындағы гимназия мен А.Құнанбаев атындағы №6 ЖБ-БОМ) «Фотоальбомдар», «Бейнеролик», «Шығармалар байқауы» аталымдары бойынша шығар-

машылық жұмыстарын ұсынды.

Қала оқу орындарының 16-23 жас аралығындағы студенттер мен оқушылары арасында Астананың 20 жылдығын кеңінен насихаттау мақсатында ұйымдастырылған байқаудың қорытындысы бойынша үздік шығармашылық жұмыстар («Астана – Тәуелсіз Қазақстанның нышаны» тақырыбындағы 2 шығарма (авторлары: Қ.Карбоз, Г.Сұңғат), 2 фотоальбом (С.Жәнібек, А.Айтбаева), 1 бейнеролик (Е.Есенгелді)) байқаудың облыстық кезеңіне жолдама алды.

Жазира
МҰХАНБЕТЖАНОВА,
әдіскер